















REQVESTE

PRESENTEE AV ROY
PAR MESSIEVRS LES
Cardinaux, Princes, Seigneurs, &
des Deputez de la ville de Paris, &
autres villes Catholiques, associez
& vnis pour la deffence de la Religion Catholique Apostolique &
Romaine.



A LYON,

PAR IEAN PILLEHOTTE,
Prins sur la copie imprimee à Paris.
1 5 8 8.

AVEC TERMISSION.



REQUESTE PRESENTEE AV
Roy par Messieurs les Cardinaux, Princes,
Seigneurs, & des Deputés de la ville de Paris
& autres villes Catholiques, associez & vnis
pour la deffence de la Religion Catholique
Apostolique & Romaine.

IRE, Monsseur le Cardinal de Bourbon & les autres Princes Catoliques qui congnoissans la ruyne en laquelle la Religion Chrestienne pouuoit tomber,

s'vnirent ensemble pour supplier vostre Majesté d'extirper les heresies de son Royaume,
qui estoient l'origine de tous noz maux passez, l'aliment des miseres presentes, & le malheur que nous auions à craindre pour l'aduenir: ont assez fait demonstration iusques à
maintenant que leurs volontez n'ont esté
meües d'autre passion que du zele de l'honneur de Dieu & conseruation de son Eglise.

Et par ce que maintenant ils voyent que les grandes victoires qu'il a pleu à Dieu donnerà vostre Majesté, offrent une tres-grande facilité pour arracher dés la racine ceste manuaise plante d'heresse qui a fait naistre en 3

ce Royaume, tant de dommageables regettons, ils persistent encores maintenant à luy faire ceste mesme tres humble supplication de paracheuer ce sainct œuure, l'essect duquel peut seul arrester le cours de toutes les partialitez & miseres qui menacent la ruyne de France.

Nous ne doutons point SIRE que ce ne soit vostre volonté & intentio à laquelle nous voulons ioindre noz moyens, amys, biens, fortunes, & generalemet tout ce qui en pourra dependre. Que si vostre Majesté estime comme elle la tesmoigné que Monsieur de Guyse y puisse estre vtile. Il proteste deuant Dieu qu'il n'auraiamais plus de contentemet que quand il se verra si heureux qu'il puisse en vous faisant seruice agreable, acquerir voz bonnes graces, & plus encores en vne si iuste & saincte entreprise.

Mais d'autant que nous recongnoissons quelques empeschemens qui peuuet non seulement trauerser vostre saint desir: Mais encores amener vn iour la subuersion de la religió Catholique, & de l'estat de ce Royaume (come tres hubles & tres-sideles subiets) Nous prendrons la hardiesse de les suy descouurir. Car bien que le malsoit grand que chacun le sente & en gemisse en son ame: si est ce qu'il ne s'est trouué encores aucun particulier qu'il n'y aye assez bien viuemet representé la principale origine du mescontentement de tous les subjects de ce Royaume, pour le mal plus grand qui semble trainer apres soy la ruyne de l'estat si bien tost il n'y est remedié.

Vostre Majesté donques, SIRE, prendra en bonne part s'il suy plaist ce que nous dirons, poussez seulement du zele que nous auons à son service, du bien de son Royaume & à la

tranquilité de ses subiects.

Le Duc d'Espernon, S I R E, & le Sieur de la Vallette son frère, lesquels elle a esseuz aux plus grades charges & dignitez de ce Royaume sont recogneus non seulement par la France, mais generalemet par toute la Chrestienté pour principaux fauteurs & support des Heretiques.

Le voyage dudit Duc d'Esperno en Guyenne, les traictez qu'il y seit, les conseils qu'il donna, la faueur qu'il a fait à ceux qu'il a congneu leur estre affectionnez, la hayne qu'il a monstré auoir à tous les bons Catholiques, mesmes à ceux qu'il a estimé fauoriser ceste cause, la participation qu'il a eue aux affaires que Cleruant negotioit pour les heretiques, la liberté qu'il a ouuert aux heretiques de Mets, les entreprises qu'il a faites sur Cambray bray ville appartenant à la Royne, le soupson qu'il a donné de tous les gens de bien, l'assissance qu'il a presté aux Reistres dessaits pour fauoriser leur retour & leur seruir d'escorte. Le conseil du trouble dernierement aduenu à Paris, les Parlemets secrets qu'il a eus auec Chastillon, les deportemens de son frere, la prinse de Valence, Tallard, Guillestre & autres places qu'il a osté aux Catholiques de Dauphiné, la coniuence dont il a vse pour y auacer le pouvoir des heretiques pour la dessire prinse de ceste Province, & les mences qu'il sit pour empescher la reddition d'Aussonne descouvrent assez à quoy tendent leurs desseins.

Et quand il plaira à vostre Majesté que plus particulierement on luy en face entendre les preuues aucele consentement general de tous ses subjects. Nous luy en representerons plusieurs qui seroient trop longues à inferer en cest escrit, & que pour plusieurs bonnes raisons nous n'expliquerons plus auant pour ceste heure.

Ceste comune opinion, Sire, de l'intelligence que les dits Duc d'Espernon & la Vallette ont auec les heretiques & la grandeur à laquelle il a pleu à vostre Majesté les esseuer, fait craindre à voz bons subiects (principalemet Catholiques) que si ils preuoyoiet q vostre faueur vint vn iour à leur manquer (come certainement il est impossible que leurs
deportements insolens puissent gueres plus
log temps estre supportables à vn si grand &
si sage Roy) ne pouuas trouuer support entre
les Catholiques, ils ne se iettassent entre les
bras des heretiques, & transportassent auec
eux toutes les Prouinces & places fortes qui
sont en leur puissance entre les mains de ceux
auec lesquels ils ont desia vne si estroicte participation: de sorte que la France qui semble
bien tost estre libre d'heresies, se verroit plus
miserablement assuiettie à leurs dominations tyranniques qu'elle n'a iamais esté.

Outre cela, SIRE, qu'on les estime autheurs du desordre en tous les bons reiglements & police de France, ils ont fait vne honteuse marchandise des Estats du Royaume, ils ont rauy & mis en leurs cossres toutes les sinances de France, & à peine tant de subsides ont peu saouler leur auarice, ils ont offencé les principaux Officiers de vostre Couronne, & les plus speciaux seruiteurs de vostre Majesté, ils ont essoigné d'aupres d'elle beaucoup de ceux qui la pouuoient bien & sagement seruir, ils ne cessent iournellement de calomnier & mettre en soupson vers elle

les gens de bien qu'ils sçauent n'approuer leurs actions.

Que si quelques vns de ceux qui se sont seruilement assuiettis à eux, veulet persuader à vostre Majesté que ce que nous luy propofons maintenat procede de quelque animosité ou inimitié partieuliere que nous ay os enuers eux, Nous la supplions treshumblemet. Premieremet d'en demader l'aduis à la Royne sa mere, qui par la prudéce de laquelle elle a vsé au gouuernemet de cest Estat, & le rang qu'elle tiet, s'est acquise assez de puissance de parler franchement des choses qui touchent de si pres, & puis d'adiurer par le serment & de uoir qu'ils luy doiuent, les Princes, les Officiers de sa Couronne, les Seigneurs de son Cofeil, & les plus prudes personnages de son Royaume, de luy dire auec toute liberté ce qu'ils en sentent: & nous nous affeuros qu'ayans par son commandement acquis telle liberté, ils reietteront comme nous la cause des principaux mal-heurs de France sur les desseins & deportemens de luy & de ses freres comme chacun d'eux le cognoist en soy & le confesse en particulier.

Cela faict que plus hardiment nous supplions vostre Majesté que recognoissant l'ori gine du mal que nous estimons que iufques icy elle a ignoré, il luy plaise les essoigner de sa personne, & de sa faueur pour empescher que par cy apres ils puissent faire le mal que tous les bons François & Catholiques craignent, remettant ce qu'ils tiennent en la puissance des heretiques les descharger de toutes les charges & gouvernemens qu'ils tiennent en ce Royaume, sans les auoir aucunement meritez.

Et afin que quelques vns qui n'ont rien tant taché que de nous rendre odieux, ne puissent dire que nous faisons ceste Requeste pour nous enrichir & auancer de leurs despoüilles. Nous protestons que nostre plus grand contentement sera quand nous les vertons despartis à ceux que vostre Majestés seux ratres-bien iuger en estre dignes, & au merite desquels leur ambition les auoit rauis.

De cela, Sire, vostre Majesté tirera tant d'honneur, vtilité & tranquillité pour son Royaume, que l'ayant bien consideré nous ne doutons point qu'ellene se conforme en chose si iuste à la tres humble Requeste & inten-

tion de voz bons subiects.

Premierement elle deliurera tout le peuple de la Frace, & principalemet les Catholiques d'vne tresgrande apprehension qui les trauaille, tant pour les deportements dudict

Duc

Duc d'Espernon & de son frere que pour la crainte qu'ils ont qu'à l'aduenir leur gradeur ne soit l'auancement de la dominatio tyranique de l'heresie, la que le la voir establic.

Apres le contentemet qu'elle aura done à fon peuple elle pourra sans doubte poursuyure l'effect & heureux succez de ses victoires ja acquises cotre les heretiques, & pour y comécer s'acheminer en Guyéne ou elle sera as siste de l'affectio plus grande de tous ses bos subjects Catholiques qui accroistront & leur voloté, & leur courage quat ils verrot les empeschemes qu'ils ont peu redouter estre ostez. Car chacun recognoist assez que ceste guerre ne se peut biéacheuer ainsi qu'il appartient, tat que les forces principales de ce Royaume seront en la main d'vn home qui a si particuliere intelligéce auec vos ennemis, & qui se veut soubs vostre authorité rendre espouuentable aux bons & tres-affectionnez Catholiques.

Et ce pendant que vostre Majesté fera ce progrez en Guyenne pour maintenir vostre ville de Paris & pourueoir aux choses necessaires pendat vostre absence, la Royne vostre mere, qui par sa prudece s'y est acquise beaucoup de eroyace & amour du peuple, y tiedra les choses tres-traquilles, & sçaurà come elle feist cy deuat en séblable occasió se seruir de personnes affectionez au bié de vostre Estat.

Et par ce que la Prouince de Daulphiné n'a'pas moins de besoin que celle de Guyéne d'estre secourue estant reduicte en vn estat tres-desporable par les mauuais deportemés de la Vallette, & les secrettes intelligences qu'il a eues auec les ennemis, Mosseur le Duc de Mayenne (s'il plaist à vostre Majesté luy en donner les moyens) luy seruira auec toute sidelité & affection qui se peut attendre d'vn tres-humble seruiteur & subject. Ce que nous proposons d'autant plus hardiment que nous scauons que les Catholiques qui on esté vne sois des ja deliurez par luy d'vne semblable seruitude, l'auront tres-agreable, voyre le requierent tres instamment.

Et entre les plus grades vtilitez que vostre Majesté pourra tirer les esloignant de sa presence, ceste cy ne sera pas de moindres qu'elle pourra, employant aux vtilitez vrgentes de son Estat, les grands moyens qu'elle souloit donner pour entretenir leur grandeur, saouler leur auarice, achepter les places sortes de vostre Royaume, les quelles ils marchandoiet toutes aux despens de voz finances, elle aura plus de commodité de donner soulagement.

à ses subiects assez affligez d'ailleurs.

Et par ce q la porte des subsides nouveaux, qui est partie cause principale de la ruyne du peuple & de plusieurs grands desordres a esté par cux ouverte ou grandement ellargie, vostre Majesté, ne desire rien tant que le soulagement de son peuple, les ayant ofte d'aupres d'elle la pourra plus ay sémet fermer, remettant en vigueur les belles & anciennes ordonances de ce Royaume laissant la verificatio des Edicts nouueaux, & les remonstraces sur iceux aux Cours de Parlement & autres souueraines, abolissant l'ysage pernicieux des partis, defendant l'acquictement des dons, sinon en fin d'annee, estant du tout & soubs griefues peines la supposition des noms que l'on a practique e pour faciliter la verification des dons contre les anciennes Loix du Royaume, estaignant du tout la practique des coptans. Bref ostant tous les abuz qui ont esté par eux introduits ou augmentez à la ruyne du peuple, & preiudice de vostre seruice.

Et d'autant, Sire, que les Catholiques de voltre Royaume ont toussours grandement craint que lque iour ils ne vinssent à tomber soubs la domination & puissance des heretiques, la tyranie desquels par la misere de leurs voisins leur est effroyable & espouuentable. Nous supplions tres-hublement vostre Ma-

B ż

jesté de les asseurer, tat de ceste crainte que de l'essect de la mauuaise volonté que les heretiques leurs sauteurs & adheras ont de se veger de ceux qui se sont opposez à leurs desseins, remettat à vostre Majesté d'en rechercher les moyens, sçachant q nul n'a plus de volonté & interest qu'elle à la conservation de la Foy & Religio, & de ses bons subsects Catholiques.

Voyla, Sire, ce que nous auos estimé digne de vous estre representé pour l'Estat genéral des affaires de la Religion Catholique, & bien de vostre Estat. Vous suppliant auoir agreable ces tres-humbles remonstraces qui ne procedent que du zele que nous auons à l'honeur de Dieu, au bien de vostre service &

au repos & tranquillité de vozsubiects.

Pour ce qui concerne vostre bone ville de Paris, S r R E, voz tres hubles, tres obeyslans & tres fidelles subiects, les Bourgeois & habitas d'icelle & nous auec eux, outre ce que des sus vous supplions en toute humilité que come leur fidelité enuers les Rois voz predeces seurs & vostre Majesté a esté assez de fois tesmoignee par memorables esfets: Ainsi il vous plaise croire qu'é tout ce qui est passéces derniers jours, ils n'ont jamais eu volonté ne intentió de se despartir de la vraye obeyssance que les subjects doiuet à leur Roy: la crainte seule

seule de veoir inopinemet & par voye inusitee entrer des forces dans vostre ville, leur à faict predre leurs armes par le comandement neantmoins de leurs Magistrats, desquels ils ont les Ordonaces par escrit, non pour aucun doute qu'ils eussent de la bôté & lustice de vo stre Majesté, mais d'autat q quelques personnes vioietes autheurs & Conseillers de ceste entreprise, abusat de vostre authorité ne voulussent attêter cotre eux par voye extraordinaire, ce dot ils les auoyent souuent menacez.

Mais ils ont receu vn tres grad regret, que ceux qui auoient esté autheurs de ce conseil, & qui craignoient la iuste indignatio du peuple, ayent poussé vostré Majesté à sortir de ceste ville. D'autat que par la on leur aye osté le moyen de pouvoir monstrer l'essect de seur bone volonté & les tesmoignages qu'ils luy vouloient donner de leur obeissance, lesquels ils continueront de rendre à l'aduenir.

Et bien que vostre Majesté recognoisse assez par ce que dessus qu'il n'y a point de faute de leur part ny en essect ny en volonté (Comment ils en sentent leurs cosciences fort nettes) Si est ce que si elle auoit receu quelque desplaisir pour les choses passees, ils la supplient tres hublemet come Prince tres-doux, qui est amateur de son peuple, oublier son

B 3

mescontentement & les tenir comme ils ont toussours, esté & veulent demeurer pour ses tres-hubles & tres fidelles serviceurs & suiets.

Et par ce qu'on luy a voulu cy deuant doncr beaucoup de mauuaises impressios de leur fidelité, par faux & calomnieux rapports comme ils ont esp rouué par essect, & que ce nouuel accident suruenu malgré eux & à leur grad regret a apporté beaucoup de nouueau subiest de dessance, Voz tres hubles & tres obeyssans subiests les habitas de vostre ville de Paris, & nous auec eux, supplient tres hublement vostre Majesté leur doncr seurté de pouuoir cy apres viure en tranquillité & repos souz son obeyssance, s'asseurans qu'elle en sçaura trop mieux trouuer les moyens qu'ils ne les pourroient ny peser ny requerir.

Lt pour commécement ils la supplient auoir agreable que le Sieur d'O se deporte d'o resnauant du maniement des affaires de la ville & commandement en icelle pour quelques raisons qu'ils ayment mieux taire que publier si vostre Majesté ne leur commande.

Et par ce que les anciens Preuost des Marchads, Escheuins & Procureurs de la dite ville pour beaucoup de raisons que vostre Majesté peut entendre, ne pourroit conseruer la ville au repos & vnion qui est requise. Voz

trei

suppliér auoir agreable la demissió qu'ils ont faict de leur charge & l'eslection d'autres en leur place que le corps desdicts habitans ont faict pour deux ans, estimans qu'autrement la ville ne pouvoit estre disposee à la traquillité que vostre Majesté le desire, & par mesme moyen authoriser ce q par eux a esté & sera faict & ordonné souz vostre authorité pour le repos & asseurance de ses bons subiects.

Et pour l'aduenir ils la supplient, SIRE, auoir agreable que les habitans de la ville puissent auec toute liberté & par les formes accoustumees eslire leurs Escheuins & Magistrats, qui sera le vray moyen de contenir ce peuple en vnion & repos, quand ses Ma-

gistrats auront esté choisis par eux.

Et d'autat que tous les monopoles & abuz qui se sont és electios des Magistrats & autre Police de ladite ville est nourrie & entretenue par la plus part des Officiers de ladicte ville qui entrêt en leurs Offices par achapts qu'ils en sont notoiremét au grad prejudice de vostre service & du bien de ladicte ville. Les dicts habitans suppliét vostre Majesté ordoner que vaccatios aduenat part mort ou sorfaicture desdicts Offices, tant de Conseillers de ville que Quarteniers & autres, il y soit

B 4

pourueu par election pour en iouyr par lesdicts esleuz durant deux ans, ou tel autre téps qu'il sera aduisé pour le mieux, & le temps expiré sera procedé aux nouuelles eslections selon qu'en auez esté cy deuant requis par plusieurs fois.

Ceste ville, Sirre, qui est l'abord de toute la Frace, s'est veue par cy deuat fort incomodee pour le passage des gens de guerre, & seroit à craindre que cela continuant n'y apportast vne cherté de toutes choses necessaires à la vie, qui faict que les dicts habit as supplient tres-humblement vostre Majesté que quad il luy plaira retourner en ceste ville, dequoy ils auront vn extreme contentement, & vous en suppliéttres-humblemet, elle ayeagreable de n'y amener ne à douze lieuës és enuirons autres forces que ses gardes ordinaires du corps particulier, & leuant des compagnies pour l'esse de la guerre les en tenir essoignees.

Auec ces deux moyes & autres que vostre Majesté pourra mieux donner, elle fera q les dicts habitans de vostre ville de Paris reprendront leur asseurance pour cotinuer comme ils feront pour iamais le service & obeyssance qu'ils doiuent à vostre Majesté à la gloire de Dieu & au repos de tous voz subiects.

FIN.











